

1153

D O G M A T I C I.

1154

praescriptum: *Hunc librum dedit Dominus iohannes hannhaupt de Harrazz ad Maxrbach. Qui legis in eo ora pro eo. Et subscriptum: Explicit Hugo de sacramentis de sancto victore finitus per Johannem de Harrazz Monachum huius domus videlicet vallem omnium sanctorum. Abolita nunc est haec Carthusia Viennae adfita. Nomen Harraras pluribus infer. Austriae locis commune est; non enim Johannes iste e vetusta Hrzaniorum de Harraras Stirpe fuerit. Ad calcem adjecta sunt eadem de Hugonis Vita, quae superiore Codice.*

CCCCLXVI.

R. 3041 Codex membraneus lat. Sec. XIV. Folior 395. f. per duas columnas minutius sed nitidissime scriptus, minio distinctus, et principio deauratus haec praefert: *Hunc librum dedit monasterio Sancte dorothee wien. dominus Andreas Cancellarius domus Austriae fundator praefati monasterij Canonice regularium sancti Augustini. Itaque post annum 1410. quo dictus Andreas cognomine Plank, simul Garfensis Parochus ejus Canonice fundamenta jecit. Inest vero huic Libro I. Hugonis de S. Victore Opus de Sacramentis jam pluries a me relatum, et impressum T. III. Opp. Rotomag. 1648. p. 482. f.*

II. fol. 126. succedit Liber sancti Augustini contra quinque Hereses. Initium est: *Debitor sum fratres fateor non necessitate &c.* Dicitur etiam contra quinque Ho-

stium Genera, et ab Augustino abjudicatus legitur nunc in *Adpend. T. VIII. Edit. Maur. p. 1.*

III. fol. 137. sequuntur CLXXX. Augustini Epistolae, sed in iis est subposititium Ejus cum Bonifacio commercium constans Epistolis XVI. et Epistola ad Licentium edit. Maur. T. II. col. 38. hic in III. divisa est. Praeterea Epistola nobis XI. ad Italicam inscribitur; est vero nihil aliud, quam Compendium prolixae Epist. seu Libri ad Paulinam de videndo Deo, ad quem notant Mauriani col. 495. etiam sibi Compendium istud in Mss. occurriffe. Epistola nobis XXXII. Maur. col. 42. ad Paulinum a Miniatore perperam et Therasiae inscripta est. Epistolam nobis CLXXVI. Maur. col. 853. ad Pascentium idem Librum inscripsit. Ceterum Patrum Epistolas in Codicibus nullo ordine vagantes cum Editis contendere, non parum habet molestiae.

IV. fol. 309. Ejusdem Libri IV. de Doctrina Christiana praevio loco e Retractionibus, prout extant Edit. cit. T. III. P. 1. col. 1.

V. fol. 342. Epistola seu Liber Ejusdem ad Dardanum de Praesentia Dei, ut T. II. col. 678.

VI. fol. 345 — 46. Excerpta II. ex Ejusd. Tractatibus de Oratione Dom. et de Eleemosyna.

VII. fol. 347. Epistola prolixilla, cujus supra memini, ad Paulinam de videndo Deo, ut Edit. cit. T. II. col. 473.

C 2

VIII.

de VIII. fol. 354—55. *Prosperi, tum Hilarii Epistola ad Augustinum*, ut T. eod. coll. 820. et 825. Atque hae duae cum mox relatis ad *Dardanum* et *Paulinam* aliquatenus subplere possunt spurias in Corpore *Epistolarum* supra memoratas.

IX. fol. 357. Ejusdem *Augustini* Opus de *Praedestinatione et Perseverantia Sanctorum*, ut T. X. col. 789. Extrema a verbis: *Et orare deum gratie spiritualis est, sicut scriptum est. Nemo dicit dominus ihesus &c.* ab alia manu accessere.

X. fol. 377. p. 2. *Sermo beati augustini ad presbiteros ypponenses*, qui omisso *Propter quod* incipit: *Rogaui uos hesternae die &c.* ut T. V. col. 1379.

XI. fol. 381. De *ecclesiasticis Dogmatibus*. Praevio Indice. Jam saepius relatus et merito in *Append.* T. VIII. col. 71. relegatus *Tractatus*.

XII. fol. 384. Incipit liber *augustini de bono coniugali praemisso Retractionum* loco, quem *Miniator* lepide *Detractionem Augustini* inscripsit. Extat *Edit. cit.* T. VI. col. 319. Multa hujus *Collectionis* *Titulis* a prima manu carent. Ad calcem accedit duplex *Tabula*, prior *Epistolarum*, altera *Rerum*.

CCCCLXVII.

U. 714 Codex membraneus lat. Sec. XIII. Folior. 118.f. per duas columnas nitide, sed multis vocum compendiis exaratus, coloribus di-

stinctus, et olim datus ad *librariam Collegij ducalis ex parte Erhardi quondam bedelli theologorum* Opus *Dogmaticum* est, cuius *Prooemium* incipit: *In deserto manna colligentes alius integrum gomor alius plus alius minus &c.* Quinque *Partitiones* promittit *Autor ἀνωμμος*: *In prima agendo de fide trinitatis. In secunda de casu rationalis creature. In tertia de reparatione que facta est per uirtutum restitutionem. In quarta de ea que semel facta est per incarnationem. In quinta de ea que cottidie fit per sacramentorum participationem.* Hujus autem operis (dixerat prius) tibi pater inclite *Wilelme presul senonensis limam reseruauimus.* *Narrant Autores Galliae Christi.* T. XII. p. 52. *Guilelmo* huic de *Campania* dicto *aux blanches mains*, antequam a. 1176. ad *Sedem Remensem* transferretur, a *Petro Comestore* dicatam fuisse celebrem suam *Historiam Scholasticam*, et *Librum de theologicis Sententiis*, ex quo facile quis induci posset, ut *Partitiones* nostras huic *Petro* tribueret, nisi omnium, qui de *Comestore* tradidere, silentium reclamaret. Et fortassis in ea sententia fuere praedicti *Autores* *Codicem ἀδεσποτον* nacti, qualis, modo saltem, noster est, postremis lineis deficientibus. Verum legenda erat illis *Praefatio* *Sodalis* sui *Hugonis Mathoud*, qui Opus nostrum *Petri* non *Comestoris*, sed *Pisaviensis* cum *Roberti Pulli* *Sententiis* primus in lucem extulit *Paris.* 1655. f. Ita ille ibi: *Quo se subtraheret amulorum*